

Мархаба (хашкелди), яни!

ЯНИ – АЛЛАГЪЛИС ﷻ ГИБАДАТ БИРУТИ ЛУГЪРАС «ХАЗНА» САБИ.

Гъамирула улкъайличи, къакъализиб цѝябли саби, шагъарличи дѝхїла пусли кадиркули чедиулра – хїера, садаиб яни. Нуша, бусурманти, ил секїайчи разидиес гїягїнигира, сенахїенну ил замана Аллагъличи ﷻ гъамдиес, керила баркъудлума дирес нушала дахъал имканти лер.

Хїажимурад Пумархїажиев


Идбагла ﷻ имѝатиѝунти балликъянабани ва урла наслубала бунаѝагарти вакилтани яниличила, вирхуси инсайс баибси «хазналичилаван» бурутири, ва иличил пайдалабирес баѝандан жигар-чердеш дакїудиротири. Пумар ибн Хатаб ﷺ викїусири: «Яни – гїибадатбирутас «хазна» саби» («Хїильяту аль-Авлияѝ», №1/26). Иличила бурибсири Расулуллагълира ﷺ: «Яни -- вирхуси адамлис хїеб сари, дуги бухъянбиубли саби, ва ну (гїибадат барес баѝандан) алзулра, бархїи къантїбиубли саби, ва ну дубурциулра» («Макъасиду аль-Хїясанати ли-Сахїави» №558). Ибну Ражабли иб: «Дугели гїибадат-барни буѝарси заманализив хїерели дубуциличи дурусси саби» («Лятїаифу Маѝариф лиль-Хїанбали», №1/356). Дуги бухъянбиубхїели, имѝали гъанкї ахїес асубируси саби ва кункдешличил Аллагълис ﷻ дугила гїибадат барес алїес вирар, бархїи къантїбиубхїели биалли, вирхусилис дубурцес кункбирули саби – илизиб саби гїибадат бирути Аллагъла ﷻ лугърас «хазна». Хїеблизир гїяйдикїули цїерхїдирути миѝирагла дїѝла даража ункъбирули къяїда, вирхусила динра Аллагъли ﷻ янила замана кункдарибти баркъудлумачибли ункъбируси саби. Бусурман адам янилизив дубурцес вирар сегъуналра къиян агарли – я гушдеш, я милїдеш агарли – сенахїенну янила бархїи къантїси ва бугїарси бирар. Ат-Тирмизила «Муснадлизиб» балахъуливан, Идбагла ﷻ буриб: «Янилизив дубуцини – ил «баргїиби хазна саби». Абу Ёурайрани ﷺ сенрил хъарбаиб: «Хїуша баргїиби сабухъличи



дархъили гїяхїил хїебишира!» – «Дархъаба». Ва Абу Ёурайрани жаваб гїи: «Янилизир дубдурцена». «Баргїиби сабухъ» ибси «дѝвти агарли, бамсни ва къияндешуни агарли бикахъибси» ибхїеливан аргъес гїягїниси саби. Эгер яни, масайс, гъанкї ахъалли, илис гїергъи Къуръан белчїалли, къаркъалара хїяїбаттан, динра ункъбирар. Яхїя ибну Мугїазли буриб: «Дуги бухъянни саби, ил гъанкїличил къантїмабирахъид; Ислам умуси саби – ил хїела бунаѝуначил нясмабирахъид; дуѝрумла замана дуги илцадра къантїси ва буѝарси саби, хїятта гъанкї ахъесалра бажардихїеркур». Ибну Масїуд викїи: «Мархаба(хашкелди), яни, ил замана баракат бурхъуси саби, гїибадат барес баѝандан дуги бухъянбируси саби, дубуцес баѝандан хїери къантїбируси саби». Хїясан аль-Басри къабулиркусири: «Вирхусилис бегїлара

гїяхїси замана яни саби. Илала дуги бухъянни саби – гїибадат барес баѝандан, бархїи – къантїси, дубурцес баѝандан. Яни дакїибхїели, Пубайду ибн Амир ишкъяїда викїусири: «Эй Къуръан бучїантї, хїушази ил белчїахъес баѝандан дуги бухъянбиубли саби, хїебиалли белчїеная, ва хїуша дубдурцахъес баѝандан бархїи къантїбиубли саби, хїебиалли дубдурценая. Янила дуги гїибадатбарни дуѝрумла бархїи дубуциличи цугси саби». Нуша Акїахъусиличи гъамдиес баѝандан дакїудибти илдиѝунти пергерти имканти пайдаладирес хїебиаллири, бахъалгъунти гїябидунас хїейгїилзусири. Бебкїала ухъаличивси Мугїазази сунела бисала сабабличила хъарбаибхїели, илини ибсири: «Ну висулра, янила заманала дугурби пайдалахїедарни хїейгїилзули...» («Латїаифу... лиль-Хїанбали».

Номерлизир:



Мавлїд–илала хїекъдеш ва бухїнабуѝ



Някъ уммайбарни – Исламлизиб хїурматбирнила лишан



Жагъилти наркотикуназїбад мяхїкамбарес

«Дїла мазгъаб—гъарли-марси хїядис саби»

Мазгъабунас гїергъи хїебашутани, гїядатла бирхутира илдазибад гїелумбїзахъес баѝандан, чула мазгъаб – гъарли-марси хїядис саби ва, чула пикри мазгъаблайчїил дурусхїебиркули биалли, илизивад гїелумзїес чебиркур, ибти авал имамла дугъби пайдаладирули сари.

Магъди Шамсуддин аль-Хїянафи

Хїейгеси биалра, я гїядатла бирхутани, я гъузгъалдїдеш алкїахъантани имамтала илди дугъбала мягїна ва илди чїс хасдарїбгїил аргъес бирули ахїен. Хїебиалли, Шарїгїяличила хїятта хъулчи-

лидиубти баѝудлума агарси чиди-дїгара адамли, хїядисунала чиди-дїгара цахїнабяхъ касили гъарил хїядису бузахъес вирули балан. Илхїелира, ил убѝяхъибсил яра хїебяхъибсил; ил ца анѝбуқилис пайдалабирусил яра цахїнабли бузахъусил; ил темала черкад цархїилти хїядисуни лерал яра агарал пикрира бяхїчїихїеили. Или биалли, се деклардеш лебси илджитихадла имамтала ва гїядатла бирхутала урга? Ва сен ат-Тахїави, Ибн Сурейдж, аль-Кудури, ас-Сархаси, аль-Джувайни, аль-Гъазали, ан-Навави ва Исламла илдиѝунти бахъал цархїилтира чебяхїти гїялимтани саби авал мазгъаблизїибад цагїебли кабїзуртази халбиротири, илдала баѝудлума ахи-

рагарти диалра ва илдала жузи ишхїелира лебилра Исламла дунъяличир дучїули диалра? Марлира, илдала агартирив хїядисунала цалабахъуни? Яра илди далнилашал ишхїелла заманала цацабехїти гїялимтачиб илди хїярхїгїирив? Илдас жавабли диахъубли садукес вирар имам Нававила дугъби: «Илди дугъбала мягїна гъарил гъарли-марси хїядис – ил Шафїгїила мазгъаб саби или, саби лебсїван аргънилизиб ахїен. Илкъяїда биаллири, заманалис маѝардїхъес ихтияр лебни – Шафїгїила мазгъаб саби дїкїес дирутири, сенахїенну иличилара хїядисуни лер ва илди Бухарили дурибти сари.

Лебтачибра гӀяӀил Къуръан балули

Казаньнизиб бетерхурси Халкъани-ургабси VIII ибил конкурсличиб Къуръан бучӀантала ва хӀяфизунала ургаб чедибдеш сархиб Дагъ-истайзивадси 12 дус виубси школьник Билял ГӀябдулхаликъовли.

Абзлизир бутӀакъяндеш дариб деклар-декларти гӀямрула (11 дусличибад 74 дусла гӀямруличи абикибти) Къуръан бучӀантани ва хӀяфизунани. Финаллизи дурабухъун Россияла, Казахста, Къиргъизияла, Украинала, Беларусьла, Азербайджла, Узбекиста ва Таджикиста 21 конкурсант. Бурес гӀягӀнили саби, финаллизи дурабухъунти бутӀакъянчибала лугӀилизиб Дурхъаси БелкӀи урӀиличиб балути хӀябал школьникра лебри. Илди сабри 11 дус виубси ГӀяӀмад Шарипов, 12 дус биубти Эмомрабони Рашидов ва Билял ГӀябдулхаликъов.

Къуръан руркъес Билял веӀихъибсири 7 дус виубхейчивад, 11 дус виубхели биалли илини Дурхъаси жузла лебилра текст урӀиличиб балули. Ил учӀи Дагъистан республикала Хасавюртла районна Сагаси Костекла мадрасализив. Дигеси саби, никӀаси хӀяфизла гӀямрулизиб ил кӀибиб конкурси саби, ва кӀелра конкурсличиб илини чедибдеш сархиб. ГӀалав ил лебилроссияла жагъил



гӀялимтала Хасавюртлизиб бетерхурси конкурсличиб «хӀифз» наминациялизив чедикибсири. Конкурсла лебилра бутӀакъянчибас дипломти ва савгӀатуни дедиб. Чедикибти илкӀяйдали шабагӀатлабариб дипломтачил ва кӀиматчерти савгӀатуначил. Конкурсла бутӀакъянчибас хаста савгӀатуни дедиб Казань шагӀарла мерияла вакилтани.

Сагаси жуз

www.dagulfikr.ru сайтла редакцияли Ислам къабул-барибтас хасбарисиб «Набзи Исламличила бура» бикӀуси жуз-справочник хӀядурбариб. Илизи кӀадерхурли сари ил динна хӀекълизири хӀулчили-диубти багъудлума ва суалтас жавабти. ХӀянчила автортани бучӀанти ишхӀелла Исламла

дунъяличиб белгибиахъес, ил динна хӀулчначил тянишбарес къиянти ва аргъбаибти масъулти аргъахъес ибси мурад чула гӀала гӀашбатурли саби. Жуз ахтардибариб ва къабул-бариб Татарста бусурмантала Динна управлениела гӀялимтала Советли.



Асубиретицун гӀягӀинахълуми пайдаладирес

Дагъиста бусурмантала динна управлениелизиб, республикала муфтий ГӀяӀмад-хӀяжи ГӀябдуллаевла сипат хӀясибли, ДБДУ-ла къанунтала отделли чумал дус гӀалаб дурасибси фетва таманбирнила хӀекълизибси масъала хӀербариб. Илизиб бурибсири динна назмурти, нашидуни ва мавлидуни музыкала агурби каили дучӀес асхӀебирниличила. Кунгла гӀялимтачил къяйли, заседаниеличи жибаиб нашидуни ва мавлидуни дучӀанти. Дагъиста бусурмантала бекӀли

нашидуни дучӀанти жибаиб чули нашидуни дучӀухӀели, ШаригӀятли асудирахъутицун музыкала ваяхӀ пайдаладирахъес ва фонограмма хӀебузахъес. «Нашидуни ва мавлидуни Исламла жила белгиси къалипли дирути сари, ва илхӀели ШаригӀятла къанунти дузахъес гӀягӀинити сари», – цӀакъбарили буриб ГӀяӀмад-хӀяжини. «Нашидуни ва мавлидуни дин тӀинтӀбирнила урунжли детахъес ва лекӀахъибгачи халаси асар барахъес багъандан, дебали мягӀиничебси саби илди урӀи-

урӀиларад дучӀни ва сунени бучӀуси нашидличи сунела урӀки кабизни», – буриб Дагъиста муфтийли. МяхӀячкъалала жумягӀла БекӀлибиубси мижитла имам МяхӀяммадрасул-хӀяжи СягӀядуевли назмуртала мицӀирси макъам ва саркъибси ахъси гӀама гӀибратли диахъес насихят буриб. «Нашадунала бегӀлара гӀяхӀси ваяхӀ – умуси ва жагаси гӀама саби. Нашидуначи лекӀехъибти адамтани баягӀи гӀамализибад саби гӀягӀям кайсуси, ахӀли дяхъибти музыкализибадван ахӀи», – цӀакъбарили буриб илини. МухӀяммадрасул-хӀяжи СягӀядуевли илкӀяйдали буриб, эгер гӀярабла мезли нашид бучӀули виалли, текстлизибси гӀарил дев саркъахъили бурес гӀягӀиниси саби. Иличи урӀгебси агилизиб биалли бурусила мягӀна барсбиясра асубиарар. Динна нашидуни дучӀанти Исламла гӀялимтала пикриличил къабулбикиб ва чула творчестволизиб илдала насихӀятуначи хъарихъес чесиб.



Тавбударни

Исламлизиб тавбула халаси къадри ва мурхъси мягӀна лебси саби.

Расулуллагъли ﷺ хӀядислизиб бурили сай: «ГӀарли-марли, Аллагъли ﷻ сунела някъ дугели гъабалтуси сай, хӀерели барибси бунагъла вегӀлизибад тавбу къабулбарес багъандан. Илдини Сунела ﷻ някъ абзур бархӀи гъабалтуси сай, дугели барибси бунагъла вегӀлизибад тавбу къабулбарес багъандан. Ил секӀал даимбируси саби западла шайчибад берхӀи гъаббакайичи» (Муслим, 2759).

Ислам ХӀямзатов
islam_gamzatov@mail.ru

ГӀарил бунагъличибад тавбу дарес чебси саби. Бунагъуни кӀел жураличи дуртӀути сари:

а) Адамличил бархбасунси бунагъ;
б) ЧӀянкӀли ЧевяхӀси Аллагъличилцун ﷻ бархбасунси бунагъ.

Адамличил бархбасунси бунагъ саби адамли чис-биалра цархӀиллис вайбарни яра ил къакъавакӀахъни яра иличила бугътантӀ адилкъни. Илала тавбу къабулдарес багъандан, гӀергъити авал шартӀ лерти сари:

1. Илдини ил бунагъла баркъуди бархъбатни;
2. Бунагъласи баркъуди сунезибад кабикни багъандан сай пашманиъни;
3. Илдини гӀур илгъуна бунагъличи чархӀелхъас или чӀумаси гъай бедни;

4. Сунени вайбарисила чеблализивад сай умувизни. ЧевяхӀси Аллагъличил ﷻ бархбасунси бунагълизи халбируси саби Аллагъли ﷻ черлидарибти секӀал таманхӀедирни ва ЧевяхӀси Аллагъли ﷻ къадагъадирибти секӀал дирни. Тавбу къабулдарехъес багъандан, хӀябал шартӀ лерти сари:

1. Сунени ил бунагъ уббатни;
2. Сунени барибси бунагъличи сай пашманиъни;
3. Илгъуна бунагъличи гӀур чархӀелхъас ибси ният къас-къасли барни.

Эгер чедир гъандушибти шуртӀразибад цалра камли биалли, тавбударни гӀарли-марсилити халбируси ахӀен.

УрӀки-урӀиларад тавбударни багъандан, сегъунти ва сецад лер диалра Аллагъли ﷻ бунагъуни даткайути сари. ЧевяхӀси Аллагъли ﷻ иб: «Бура хӀебирхутази, эгер чули бунагъуни гӀашаалли, илдани гӀалар дарибти бунагъуни урдурутти сари» (сура «Дявлизиб бикибси мас» 8:38).

ИлкӀяйдали леб Абу ГӀурайраличибад нушачи Аль-Бухарили баахъибси хӀядис. Илизив Идбаг ﷺ викули сай: «Сунела някъбазиб дила урӀки ва ари лерсилитибли хъя бирулра, мар-марли, нуни Аллагълизибад ﷻ чевверхни тиладибирулра ва Илала гӀалар ﷻ гъар бархӀи верхӀцӀайна тавбу-дирулра» (Бухари, 6307).

Идбаг ﷺ, Аллагъли ﷻ лерилра гӀаларла ва гӀергъити бунагъуни даткаибси, ва сунес алжана бедес чесибси адам сайри, биалра илини Аллагъла ﷻ гӀалар бархӀилис верхӀцӀайнайчир имцӀали тавбу дирулри.

АхӀерти узби, эгер сунесра алжана чесибси бунагъагарси Идбагли ﷺ Аллагъла ﷻ гӀалар гъар бархӀи илкӀяйда тавбудурули виалли, нушани, Аллагъла ﷻ бунагъкарти лугърани, нуша АкӀахъубсила гӀалар гъар бархӀилис азирнайчир имцӀали тавбударес гӀягӀиниси саби.

Нуша урӀки-урӀиларад тавбудурутили диахъес багъандан нушаб ЧевяхӀси Аллагъли ﷻ кумекбараб. Амин.

<p>Учредитель Благотворительный фонд «Путь». Газета печатается по согласованию и одобрению Духовного управления мусульман Дагестана</p> <p>Редакционный совет Председатель редакционного совета муфтий РД Ахмад-хаджи АБДУЛАЕВ заместитель муфтия РД Мухаммад ДАВУДОВ</p>	<p>Главный редактор Айна (Патимат) ГАМЗАТОВА</p> <p>Редактор Ислам ГАМЗАТОВ</p> <p>Канонический редактор Мухаммад ДАВУДОВ</p> <p>Корректор Нурулгъуда РАЖАБОВА</p> <p>Дизайн, вёрстка Лейла ГУСЕЙНОВА</p>	<p>Менеджер Абдусабир АХМЕДОВ</p> <p>Газета зарегистрирована Федеральной службой по надзору в сфере связи, информационных технологий и массовых коммуникаций.</p> <p>Свидетельство о регистрации ПИ № ФС 77-42079 от 24 сентября 2010 г.</p>	<p>При перепечатке ссылка обязательна.</p> <p>Набрано и сверстано на компьютерной базе газеты «Ас-Салам».</p> <p>Отпечатано в ООО «Дом печати» по адресу: пр-т Акушинского, 20.</p> <p>Заказ № _____</p> <p>Сдано в печать 16 декабря 2011 г. в 18:00</p> <p>Тираж 3.450 экз.</p>	<p>Адрес редакции 367015, РД, г. Махачкала, ул. Азиза Алиева, 2.</p> <p>По вопросам подписки и доставки обращаться по телефонам: по Республике Дагестан — 8-988-699-28-24 по г. Махачкале — (8722) 914-222.</p> <p>E-mail: assalamweb@gmail.com; www.assalam.ru</p>
---	--	---	--	--

«Дила мазгъаб—гъарли-марси хядис саби»

1 « Заманалис магъардирхънила хекълизирти хядисуни мар-марли хекъти сари, амма илди урдахъили сари. Илди дугъби «муджтагъи мазгъаб-ла» (муджтагъи мазгъаба – усулъла(сунела мазгъаб-ла) имамли балкъаахъурси хлукмурти дурайснила тяхIар) хълчиличиб суненицун хлукмурти дурайсес вируси гялим) даражаличи адикибтази халдирути сари. Ишаб шартIли биес бирар илгъуна гялимли имам ШафигIили ил хядис хлебалули биънилизе яра ил гъарли-марси биънилизе халбирули виъни. Иличила биалли багъес вирар шафигIила фикъгила черкадти лерилра жузи дяркъурли ва ил мазгъаб ка-бизахъурли гIергъицун. Ил дебали къиянси баркъуди саби ва гъачамлис ил даражаличи баибти бахъал ахIен. Имам ШафигIили, рахимулагъли, къалли сунес гIергъи цацадехIти гъарли-марти хядисуни калахъун, илдачи хъархейхъули хъалли. Илкъяйда бирули виалли, илис илала сабаб лебри. Масала, хядис убьяхъили саби, яра илала мягIна бягIуси ахIен, яра саби лебси тяхIарли баянбирули ахIен. Ибну СалаяхIли буриб: «ШафигIила дугъбала мягIна гъарли-марси гъарилтра хядислизиб белкIунсиличи илцад-декIар чебетагъни ахIен. Гъарил факъигъ суненил хлукму дурасес асубируси даражаличи айкили ахIен» (хIер. «Аль-Маджмугули Имами ан-Навави», 1/104-105).

Илди дугъбазибад нушани иргъула имам Нававини, мазгъабличи дурусли ахIенси хядисIевли адам ва-шахъес багъандан, кIел шартI гъаладирхъули сари:

1. Ил мазгъабла муджтахидли виес гIягIнили сай. Эгер иджитахIла даражаличи ахIейкибси адам-ли, хлукмурти дурайсухIели сай-саял хядисуначи хъарихъалли, илала гъарил баркъуди балкIсилеви халбиру, ва бунагъ саби, сенахIенну сунес тянищли ахIенси баркъудилеви вархили сай. «Муджтагъид-лис, сай вархъли виалли, – кIел, хIейалли – ца шабагъат диур» ибси хядис иличила ахIен.

2. Мазгъабла имамли ил хядис яра илала гъарли-марси хекъдеш хлебалули виъниличе ил умутчевли виес гIягIнили сай. Иличила багъес биалли илини вирар чIянкIли мазгъабла лерилра жузи делчIи гIергъи ва – бекIлибиубсигъуна – мазгъабла илкъяй-да биъни кабилзахъуси хълчи бяръкъурли гIергъи. Амма ишхIелла замана нушани хIятта гъалар-гъаларти жузи далли лутIи хълчиличирад дяркъес хIедирехIе! Ца мазгъабла лерилра жузачила гъайра хIедикIехIе.

Илкъяйдали нушани аргъира мазгъабуну гIерхIедуци – саляфунала гъуни гIебхIебуци ва динниси мехIурти сагадешуни духIнакагъни саби. Сириялизивадси ишхIелла гялим МухIаммад

Сайд Рамазан аль-БутIини буриб: «Мазгъабагардеш – шаригIятлис урехи алкъахъуси сагадеш (бидгIя) саби». Я Аллагъ, ﷻ нуша ва нушала гъамти бархидешлизирад мяхIкамдараба.



Хъалибаргла талихI—жамигIятлара талихI

ЧевяхIси Аллагъ Къуръаннизиб «Ан-Нисаъ» сурала цаибил аятлизиб викIуле сай. «Эй, адамти! ХIуша ца адамлизрад детаахъурси, илизирад сунес ралликъяна акIахъубси ва илдазибад бетаахъурти бахъал мурул ва хъунул адамти мерла-барисси хIушала Аллагълизирад ﷻ урухIеная. Сунела у ахъили хIуша цализи ца тиладидикIуси Аллагълигирад ﷻ урухIеная ва тухумдешла бархбасуни дердахъес урухIеная. Мармарли, Аллагъ ﷻ хIушачи хIерикIули сай».

Амирхан Мирзоев

Хъалибарг – жамигIятла цаибил яргаласи сипат саби. Лебилра ЖамигIят халаси хъалибаргла ка-бизван тIашбатурси саби. Хъалибарг динна ва адабла хазнурби, культура ва историялашалси наслубала букъурдеш мяхIкамдиран, даимдешла ва гъалабахI арбякъундешла хъарихъ саби. Хъалибаргличибли саби пачалихъ чIумабикIуси ва гъалабахI башуси, адамтала эркиндеш имцIабикIуси. Хъалибаргуни пашихънили пачалихъ-унира пашихъахъути сари. ЧевяхIси Аллагъли ﷻ, нуша хIярамсили-зирад гъарахъдарилли, нушази динна къанунти баяндариб. Илини хъайчикабирахъес ихтиярбар-риб ва хъунуйс (муруйс) хиянатбирни къадагъабариб. Идбагли ﷻ ибси саби: «Хъайчи кайибсини сунела динна байхъ-ала мяхIкамбиру, хIебиалли кIибиб байхъалара бетахъахъес ил урухIаб».

Марлира, магъар идбагунала суннализибадси саби. Хъалибаргла бархбасуназиб бегIлара мягIничесби – къам даимбарни саби. ДурхIнас бяръкъ бедлугули, неш-дудешли уммат дебабирахъу. Хъалибарг къайгилизиб биес гIягIнисси саби жамигIят гъалабахI башнилизе биубсигъуна пай кабибеси лай-икъси ва хIялалси наслу абибкъес. МухIаммад Идбагли ﷻ буриб: «Хъал-ладияа! СенахIенну къиямала бархIи ну хIушачи пахрумабиркъес дигула». Исламли гIеббуруливан, ца гIядатлис-цун ахIен хъаллавируси. Сецад жявли,

жагъли левалли адам хъаллавиал-ра, гIяхIил саби. СенахIенну илди гIямруличив сай адам имцIали гъаргъ-дешли паргъатагарирахъуси. Расуллугъли ﷻ иб: «Эй, жагъил дурхIни! ХIушазивад магъар дихъес ваибси гъарил хъаллавиз гIягIнисси сай, сенахIенну ил анибукъли урзуи агарти хIерани паргъатдиру ва къаркъала мяхIкамбиру. Хъаллавиз гъунарагарси дубурац, илинира сай далхIейкибти



вяшатIайзивад мяхIкамуру».

Аллагъли ﷻ адам алкъахъухIели, илизир ургIебси жинсличи иштяхIра бархли акIахъубси саби, инсанит даимбиахъес – берцахъес багъандан. Хъаллавиъни – шаригIятла дазурбазиб иштяхI паргъатбирнила ил цайли цаси тяхIар саби. Исламлизиб хъаллавиайчи къиликъ-чебдеш калахънила халаси мягIна лебси саби, ил багъандан хъалибарг акIахъес дигути адатас, илдас гъалабизуни хIедиахъубли, виубсигъ-уна кумекбаресра гIягIнисси саби.

Гъарли-марли, нушала Идбагла ﷻ гIилмулизивад нушани балулра: «Аллагъла ﷻ уркIецичи хIушазивад хIябал лайшкъли саби: Аллагъла ﷻ гъуйчив ургъан; сунела азаддеш дихъалис каби-хъибси ва ил сархес хуликIуси лагъ; ва сунела къиликъгъебдеш мяхIкамбарес багъандан хъайчи кайес хуликIуси». Магъарла цархIил мягIничесби мурад – гIякъулашал, хIяланалашал ва къар-къа балугъдешличе багънилис мурул-

бурсибирар. Илкъяйдали илдани багъ-ла-багъали иргъу чIянкIли цакъани цадарилицун чIумаси хъалибарг акIахъес ва чула ургала ктулайбиахъес бирниличила.

Хъаллабиънили мурул-хъунулла физиологияла ва психологияла журалацун ахIен масъулти ирзути. УркIи-уркIилабад дигули хъайчикаби-ибтани магъарлизивад гIяхIдеш сарху. УркIи ряхIятли биалли Аллагъли ﷻ балга барес кункли ва иштяхIдурхъесли бирар. Муруйчил (хъунуйчил) барх лебилра акъуси замана беркIес бикни – ил саби разидешла ва ряхIятдешла бехIбихуд. Къиянти минутназиб мурул-хъунул цали-ца гIеббуруц. Сари дигахъуси ва лерилра секIай-чил гIерруруцуси гIяхIси, вирхуси муруйс шери рукъес игъбарбиубси хъунуй сунези тIабигIятли каби-хъибси лебилра цакъ пайдалабарес рирар: дурхIни баркъес ва илдас бяръкъ бедес. Къайгъичерси ва рирху-си хъунул адамличе хъайчикайибси муруй гъар бархIила гIямрула къиян-дешуни дяхIиу, хъуна ва дурхIнала авидлизир илини паргъатдеш ва ряхIятдеш дургу.

ГIяхIти хъалибаргуназир четехIейибдешуни гIяхIдешуначи шурдулхъан, къавгъа хIедирар; мурул-хъунуй чула духIнар акIубти къиянти масъулти ирзу. Илдигъунти хъалибар-гуназир гIямру ункъдирахъути саби бегIти гIядатуни дебадикIар.

Бусурмантала хъалибаргунала гIямрулис зараллати челу-къути масъултазивад сен-сен гъарахъли уэс вируси?

ГъархIедизурти магъуртас ва дуунти хъалибаргунас бегIлара имцIали къар-шидикрути сабапти ишдигъунти сари: – имцIати бусурмантани исламла за-контачи дурусти бусурмантала хъалибаргуначила балуси селра агни; – хъалибаргла членти исламлизир агарти лайикъли ахIенти хасиятуначи бегIбиъни; – имцIати бусурманти хъалибаргли-зир акIубти масъултачи чедихIартли хIербикIни ва илдачила декIарбиркниличе бетикайчи

» 5

